



Hope Bay Project

2023 Socio-economic Monitoring Program Report

Executive Summary – Inuinnaqtun

PREPARED FOR



AGNICO EAGLE

Agnico Eagle Mines Limited

DATE

April 2024

REFERENCE

0714716






Pivalladjutikharnik

Agnico-kot akiliutait taksiiyautinik ikayutiniklu Qitiqmiut Inuit Katimayiitut (KIA) Nonavut Tungavik Timiuyumulu (NTI) aulapkarutauyuq agitqiyamik manikhaqhiurutikharnik hulijutimik atulimagitut Havaaqagitpat ikayutaukmalu pivaaligutauyagani inuuhiqmi, manikhakhiurutini, ilitquhiqmilu Inuinaqni Nunavumi.

2023-mi, 1.7-miliatala akililrutauyuq Inuit timigiyaanut, ihumagikpat 1.6-miliatala 2022-mi. Mikhigiaqnig it akiliutauyut 2022-mi 2023-milu, ihumagikpata atuqhimayut ukiut, pijutauyut Havaaq iliyauhimakmat munariyauliriagani hanayauyaganilu atulihaaqni 2022 ukiuq maniliurutiqaginmatalu Havaami hanayutinit.

Uvani 2023, GN-kut pihimayut 1.8-milion talamik taksiiyautini akiligakhani Havaamit, pijutauyuq **45% akikhigiaqtuq** 3.3-miliatalamik talamit uvani 2022:




2023-mi, Agnico-kut akiliqhiyut **6.2-miliatalamik** agikligiaqni 2022-mi CAPEX, **\$40.8-miliatalamik** munagiyauniganilu hanaviuniganilu hulijutini, unalu **\$22.1 miliatala** qiniqhiajutini. Tamna Havaakhaq aulahimaarniaqtun aituirianganu Nunavut maniliurutikharnik talvnga pidjutikharnik, kihiani ikiniqaqtunik akikharnik talvnga Doris Uyaraqhiuqtunik auladjutikharnik.




Kaantraktittiyut Nanminiqutillu Akiliutit

Atuqhimaqniqanik Havaaq munariyauniganik hanayauniganiklu hulijutini 2023-mi, Havaap atautimut akiliqtugainik havaakhijutini **akikhigiaqtut \$100.1-miliatalamut (ima 25%-mik):**




Uvani 2023, Havaakhaq aittuqtauhimayuq **\$38.9 miliatala kaantulaanit Nunavunmut-ittunik nanminiaqtunun**, kivgaqtuiyut 39% tamainit akituniginik katraktigut tuniyauyut ukiumi.

Atauttimut ublumimut Havauhikhaq atuqtait kaantrangmut ukununga Nunavut-ittut havagvingit **\$408.7 miliatala taalamik**.



Havaaq aituiyuq **\$32.6-miliatalamik 2023-mi** havaakhijutini Inuit manikhakhiurutaini, 33%-guyuuq atautimut akiligauyuni. **24 havaakhijutininik atuqtakhat NTI-kuni manikhaqhiurutini** 2023-mi ilaqaqtuq 11-nik NTI-kuni manikhaqhiurutininik ahianit Qitiqmiut.

Ilagiyaa, **11-guyut havaakhijutit tuniyauhimayut KQB-guyunut** atautimut akiqaqtunik **29.4-miliatalamik**, pijutauyuq 29%-guyumik atautimut akituniginik havaakhijutauyunik tuniyauyunik talvani ukiumi; avaliiqtut pigahut havaakhijutit tuniyauhimayut KQB-gugitunut.




2023-mi, piqaqhimayuq **11-nik KQB-nik** Kapihiliiktumi titiraqhimayumi unalu **93-guyut NTI-kuni Inuit nanminigiyanik havakviuyut** Qitiqmiuni.

Amigainiqhat KQB-guyut, pipkaiyut havaamiknit ikayuutini Havaamut aulatilugu, pipkaihimaaqtut havaamiknit ikayuutininik munariyautilugu hanayautilugulu hulijutini.



Havaat

Atuqhimaagniganik munariyauniganik hanahauniganiklu 2023-mi, 350-guyut havaktut inigiyaayumi, ikiklivaaliqtut 518-mit havaktunit 2022-mi:



Tamaita havaktunit akhurutauyut **2023-mi 592,176 ikaqnigit**, ihumagikpata 680,892 ikaqnigit 2022-mi.



2023-mi, pigahut nutaat Qitikmiunit Inuinait havaligtut.



2023-mi, atuqata Agnico-kut havaktiit talvatuq, **uvuga 15-nut Qitiqmiunit Inuinait (5%-guyuq tamaini havaktunit akhurutainik) unalu 5 Inuit ahianit nunamit (1%-guyuq tamaini havaktunit akhurutainik)** havakhimayut Havaami.

Ilagiya, **4 Qikiqmiunit Inuinaqni** havaakhitauyut nuutauyut aulanigani naunaitunik inigiyaayunit uvuga munariyauniganut hanayauniganulu havauhiyuni. Pikagituq Qitiqmiunit Inuinaqnik havaktunik havaktitauligtunik ahiini Agnico-kut Havaagini 2023-mi.



Arnaq ilauningga Havaakhamut havaakhaq mikivallaaqtuq, ayurhaqtitauyuqlu uumannga nuutiqtitauningganut Havauhikhaq munariyaubluni uvalu ihuaqhainikkut.

Agnico-kut malguknik pigiarutiqaqtut atuqtamnik akhuuqhariagani havaktukhanik havainaqlutiklu aqnat. Agnico-kut nahuriyut pivikhaqariagani havaktitaagani amigaitqiyat aqnat amigaiqaaliqlugilu ikaaqnigit havauhiit aqnat una Havaaq aulagtifaaliqat.






Uvani 2023, atautimut akiliuhiaqnit Havaakhanut tikihimayut **\$10.7 miliatala**, imaatut **\$0.8 miliatala akiliqtauvaktut Inuinnarnik havaktunut**. Naunaiyariami, uvani 2022, **\$16.8 miliatala taalamik** akiliqtauyuuq atauttimut akiliuhiangit, **\$0.9 miliatala akiliqtauyuuq Inuit**.

2023-mi, Qitiqmiuni Inuit manikhaqhimayut 611,010-talamik havauhiqmit, atautimut havauhikut manikhanik akiligauyuuq tamainut Inuinaqnut havaktunut 842,135-talauyuuq.

Havaguiqpaknigit 2023-mi tamaini Havaami havaktunit iluaniiuuq titiraqhimayuni amigainigini tamaini havaktuni.




2023-mi, piqagituq **ahiunignik ikaknigit** Havaami ihumagikpat atauhiq ahiujutauyuuq pivikhaqaqniqmik pijutauyumit 2022-mi.


Uvani 2023, Humaangittuuq nuutiqtitauninnga Havauhikhamut munariyaubluni uvalu ihuaqhainikkut, **8,106 ikaarninik** ayuirhainirmut tuniyauyuuq Havauhikhamut havaktinginnut, unalu **343 ikaarninik ayuirhainiq tuniyauyuuq Inuinnainnut havaktunut** (kitut pipkaidjutiyuuq 4% atauttimut ajuiqhapkainiq).



2023-mi, Inuinait havaktut inikaktut ayuruirutiqaqitunik havaani Havakvikmi, ikiluaqtut amigainikhait ayugituni, ayuiqhataqhimayuni atanguyauyulu inigiyaini.



Havakviuyuni, Inuinait havaktut havakhimayut nalvaaqhiutuni avatiliqiyinilu, una taimaatauq munarinigani hanayaunigani nalvaaqhiurutinilu hulijutinik Havaami 2022-mit 2023-mut.



Ilihanikkut uvalu Ajuiqharvikhat


Ilihariyuumivingit Angayukhiinut Ilihainiq

Qitiqmiuni NAC-kut ilihavqia atuqtitiginmata uyarakhuiqviki pijutiqaqtunik ilihagakkanik hivuanilu hanaliriaqtinagit nonami. Havakviuyuni havauhiuyut ajikutait kukiuniqmik, hanajutulu nutauniqhanik ayuiqhajutit avatiliqijutiniklu nutauniqhanik, ayugitut hanayut, ayuiqhayulu havakhutik qahaliqpaktut humiliqaa Nunavumi (ila Kagiqliniqmi Iqaluknilu). Umiknigani kiklimaktiriaganilu havaat/ayuiqhajutit kiguaniluniit umikniganit amirijutit havaat/ayuiqhajutit atuqtitaugitut NAC-kuni Qitiqmiuni nunami, humiluliqaa Nunavumi.

2022-mit 2023-mut ilihavqiniqmi ukiumi, 51-guyut ilihavqut ilauhimayut Qitiqmiunit.



Ilihavqut ilauliqhimayut havaani ukunanilu Ayuqhaqtuliqiyi Havakti, Iniqniuyuni Ilihautayunik (ABE) Atuqniqaqtunik Ayuruirutinik, Nunavumi Ilihaiyit Ilihavqiniganik Havaaq (NTEP), Hivuanu




2023-mi Agnico-kut munaqhihimayut atauhiqmi Saniuniqmi Ayugituq Hikumi Ayuiqhajunmik Iqaluktuteami titiraqviki.

Agayukhiit Ilihaqniganik

Ilaunigit Inuit ilihaviiini Qitiqmiuni amigaiqhimayut **2,048-mit** ilihagtunik 2022-mit 2023-mut uvuga **2,080** ilihagtunik 2023-mit 2024-mut amigainiqhani nunagiyauyuni (Kugaaqyuk-miugituq).


Inuit Ilihaqviani Ilauyut




Qafiunigit aniguqhiyut amigaiqhimayut 2023-mi tamaini nunagiyauyuni, uvaniugituq Quqluqtumi, atautilmut **36-guyut aniguqhiyut 2022-mit 2023-mut.**

2022-mit 2023-mut, amigainiqhat ilihariaqataqtut Qitiqmiuni, ukualu tamaita Qitiqmiuni nunagiyauyuni, ikitqiyauliqhimayut ukiuqtaqtumi ilihariat amigainigini **71.7%-guyuuq** uqautauyuq August-mit 2023-mit January-mut 2024-mut.

Inuit Ilihaqviani Ilaugataqnginik Amigainigit




Ilihaqpaaliqvikmit Aniguqhiyut



Inugianginigit unalu Inugiangniitigit

2022-mi, atuqata nutauniqhat naunaipkutit, inugiaknginik nalautaaqtauyut nunagiyauyutigit ukuaguyut (%-guyut qaqyuuyaqtunuani takuupkaiyuq 2021-mit 2022-mut nalautaaqnginik aalaguniginik inugiaknginik):

Atuqata inugiakhiniginik nalautaaqtauyut aviktuhiyuni ilagini Kanatami ukiuqtaqtumilu (2021-mit 2043-mut), Nunavumi inugiaknginik nahuriyauyut amigaiqnginik tamaini aalatqiini atpanit kigikniqhaanut nalautaarutinik ihumagiyauguaqtuni. Amigainiqhanik nalautaaqtauyuuq 33%-mik qanituani tamaita inugiaknginik 51.7-tausinik-nik 2043-mi (39.4-tausinmit 2021-mi).






2023-mi, atauhiq havaktuq nuhimayuq Uqhuqtuumit Iqaluknut. Havaktiit nuhimaittut Hivuraanit Iqaluktuutiamut hamungaluuniit Kugluktumut. Ilagiya, piqagituq Qitiqmiunit havaktunit havaktitauyuni aalanit Agnico-kut Havaaginit aturiaqaqtunik aularutunik nuutiariaqarutinikluniit.

Nuutirniq Kitikmeoni nunallaanun pidjutigiblugu Havaakhaq ikiniqhauyuq uvalu Havaakhaq pidjutaungituq akhuurutaungitutut ittuq inugiangnirnun amigaiyuuminirmun angiklivalianiq anginiqhauyuq havaahaqarluangittuni nunallaani.



Nunallaani Aulapkaidjutikhanik Imaalu Kavamatkunni Havagviinni

Ihariagiyaunigit Inuit iglukhait aulagituq ihumagiyauniganik Qitiqmiuni, tamaita nunagiyauyut nalunairutiaqqtut ima “qayaknaqhiyuq” ihumagikpata iglunik ihariagiyauyut. Qaffiuningit Inuit utaqqiyut Inuit igluukhainik amigaiqpalianginaqtut, takuukhaungituq tamna Havaakhaq akturniaqqtuq piyumayauninganik Inuit igluukhainik.




2023-mi, **piqahut Nunavumi Aulagtiriarutikhat Akiliutinut Ikayuutinik Havaami (NDAP) tuukhiutit agiqtauhimayut – atauhiq Iqaluktutiami malruuklu Quqluqtumi**. Piqangittuq naunaitkutunik Havaakhamun hulaqutigiyaat qaffiuniit NDAP-kut uuktuutit.

2023-mi, upaluqnaqtuqamat aaniaqtunik ikayuutit atuqtauhimayut **hitamaiuqtuqhugit** Havaamit tamaitalu havaami pijutiqaqtunik.


Tamaini qafiunigit hivayaqtut pilihimat ikauutainik amigaiqhimayut 2023-mi 14%-mik aalatqilu nunagiyauyutigit:

Pilihimanik hivayaqviuyut ikayuutikhanik 2022-mit 2023-mut **% Aalaguqnig 2022-mit 2023-mut**



Tamaini ihuinaarnikkut amigaitilaangit Kitikmeoni ikikliyuumiqtut imaa 17% hamanga 2021 hamunga 2022 (2022 kingulliq ukiuq kitut una naunaiyaut piinariaaqihimayuq uvani unniudjutini upalungaiyaqtauqpat). Taimaa ihuinaarniq nampanga Kitikmeoni aadjikkutariyait ihuinaaqtut nampangit Nunavunmi, tamarmik angitqiyauyuq uumangga akunnganit ihuinaaqtut nampangit Kaanatami.

Qafiunigit ihuinarutauyut 2021-mit 2022-mut **Ihuinarutit amigaiqnig/ikikligiaqnig 2022-mi atuqtaqhimayumit ukiumit**



Pidjutigilluaqhugit aallanggurniit Havaakhamut-pidjutiqaqtut havaakhat maniliurutainullu, aallanggurniitlu piumayainnik pallihimatkunni kivraqtuiyunilu Kitikmeon **naunaiqhimaittut**.



Atauttit uvalu Nunallaani Anniaqtailinirmun Inuuhiqattiarnirmunlu

2023-mi, **malguuk Inuinaak taimaqhimayuq** Havaami havaamiknik. Atauhiq taimaqhimayuq havaguiqnaqhitikmagu aipaatauq pijutauyuq aularutinit pjutaqatunuk akhuurutinit.


Agnico-kut ihuaqhaiyut atulihutiklu inigiyauyumi pijutiqaqtumik Havaktup Ilagiinulu Ikayuutunik Havaamik (EFAP) Kapihilitumi havaktunit atuqtakhainik, kihiani, Havaami havaktuq atuqhimagituq havaamik 2023-mi.

Kinnaualiqinikkut taiguallangniq ajuiqharniq tunijaungittuq uvani 2023. Agnico-kut ihumagiyaqaqniaqut ahianik havaamik atuliqnigani atuqtakhanik amigaiqpaaliriagani ihumagiyaqaqtut ilauyulu maniliqijutini uqauhiyunik ayuiqhaniqmi Havaaq atuliriaqmikpat.



2023-mi, una **Niqainaqnik Kukiuvik** akmaumainaqtuq, kihiani Nunavumiut havakatut atuqataginmajut. Nalautaqtayuq kukiuvik pulaaqtauniganik qulinit 15-nut Agnico-kuni havaktunit havaakhitauhimayunilu.

2022-mi (kiguliqpaq ukiugani ihuinarutunik naunaipkutit qahakhihimayut), piqaqhimayuq **tamaini ikikligiaqhimayut qafiunigini amigainigilu imigayumik aqunigit ihuinarutauyunik** tamaini nunagiyauyuni, kihiani Taluquyaniugituq (ikikligiaqhimayut) Kugaaqyukmilu (aulagitut).



Qafiunigit amigainigilu nigaqtut **ikikligiaqtuq Taluquyami** unalu **aulagitut ajikiiktuyaaqhutik ahiini nunagiyauyuni.**

Angayarnaqtut-pidjutiaqtut ihuinaarutit ikitqiat Kitikmeoni nunallaani kinguani maliganguqtitauniatigut aangayaarnaqtut uvani 2018. Ajurnavjaktuq naunaijarlugu aktuqtauninga Havaakhap maniliurutait nampait ihuinaarutit tamainni nunallaani; kihimi, nakuuniaqtuq avatingnut ukuak akikhilaimaittuq.




Una MBM-N-guyuq (Ukiuqtaqtumi Niuvaavikni Niuvigakhanik Nalunaiyaut) Nunavumi inihijutauyuq upigiarutitik pijutiaqtunik akituniginik “niuvigakhat” aalatqiini ilagiyauyuni pijutiaqtut qanuq inuujuhiqhamik, ihuaqhainigani ihagiariyauyunik takuupkaiyaagani inuujuhiq Nunavumi¹.

Una **MBM-N-mi upigiarut** talimanik inuqaqtumik ilagiinik Qitiqmiuni **akituriaqtuq 7%-mik** 98,864-mit 2018-mi 105,904-mut 2022-mi, nalunairutauyuq akituriaqniganik inuujuhiqmi akituniginik nunami (ila, niqit, aanuraat, aularutit, uquaqmiuviit, ahiilu ihariagiyauyut).

Una 2020-mi (100,548-talauyuq) unaluniit 2022-mi (105,904-talauyuq) MBM-N-mi upigiarutikhat nalunaiyaqtuuyut 2020-mi tamainit ajikiiliqnigini ilariit manikhaaginik Qitiqmiuni nunagiyauyuni, tamaita nunagiyauyut, Iqaluktuutiagugituq, **aaliuliqhimayut iliganigmi upigiarutimik tukiqaqtuq ukua niuvrutikhat manikhaanit amigainiqhani napaanit tamaini ilariini ukunani hitamani nunagiyauyut aaliuyut akitunikhaluaganit inuujuhiqmi.**

Tamainit Atuni Iglumiuyut Manikhaaginik 2020-mi



Akiguriaqnigik akituniganik “niuvigakhat” akituqpalianigilu hunaliqaa pijutaulaqtuq amigaitqiyani iglumiuyut Qitiqmiuni nunami atpaniitqiyauliriagani manikhaakhani upigiarutauyuq, akhuurutaualiakmat ilariinit niuviriagani inuujuitaulaqtut talvani nunami.

Una **akituriaqnigik Nunavumi** March-mit 2023-mi March-mut 2024-mi **2.2%-guyuq**, ilagiyaanilu akituriaqnigani uvani **Kanatami 2.9%-guyuq**.

¹ Ilagiyaaani talimat ilagiyaulaqtut (ila niqit, aanuraat, aularutit, uquaqmiuvikhat ahiilu aturiaqaqtut) atuqtauyut taja MBM-mi (Niuvaavikmi Niuvigakhanik Naunaiyautmik) pigiarutaayunik, Nunavumi MBM-N-guyuq ilagiarutimik piqaqtuq pijutaayumik akituniginik ilagiyauyuni hulijutini ilagiyainik ilipqamaniginik Inuit kauyimayainik, ilitquhiinik, pitquhiinik inuujuhiiniklu.